

Momokwitlawis wan moolinis ipan internet kwartiloli wan tekitl tlen mochiwah ipan masewalaltepetsitsih



Ipan ni tlaltipaktli kanpa namah nochi motlatskitok, sekih masewalaltepetsitsih wan chinankomeh pewa kinpanextiah inintlamantsitsih ipan mahpiltekitl wan ipan masewalmatlatl ma ihkinoh kinamakaseh ininkwailtoli wan tlen kichiwah. Ni patlalistli ma motekiwis tepostinih temakah kenihkatsa weli monamakas ipan pisiltsi wan axweyi tekikalmeh wan nohkia masewalmeh tlen kikaltapowa kenihkatsa motlaniseh inintomin tlen masewalaltepetsitsih wan chinankomeh ma ihkino achi mopatlawas inintekitl, kiampa kwali kiasitih itlakowanih. Yese, ni tekitl kanpa miak mokalakiah temakah yankwik kwesolmeh ika ni itlanamikilis iaxka. Maskeh titlanamakas ipan internet weli achi kwali, ni pymes wan tlen kikaltapowa kenihkatsa motomintlaniseh tlen masewalaltepetsitsih wan chinankomeh moneki nimantsi kihdoseh kenihkatsa kichiwaseh ni kamanali tlen tlanamikilis iaxka ma kiampa momalwis chinanko tlah internet motekiwiah.



1. Moamatlalis itokah, ixkopintli wan dominio itokah (yani kihtosneki kanpa mopantis ika internet) keh ni machiyo

Kati achtowi moneki ma tinamakas ipan tepostinih eli timoixpantis ipan internet. Ika ni, motekikalko weli kikowas se dominio itokah wan kichiwas se web ixpantili noso kitekiwis tlamantli tlen tepostinih keh masewalmatlal. Moneki ika temachtli moamatlalis itokah machiyo ma kiampa axkikawilis seyok ma kitekwi noso kiamatlalis iwikal itokah. Nohkia keh motekiwis ma momalwis tekikalko, nohkia weli motekiwis ika ixkopintli, itokah tlen mochiwah wan sekinoh tlamantli san ya kitekiwia. Kema tipichtos momachiyo, xitekiwi. Xiixpanti momachiyo wan xitlatskili ixkopintli ni machiyo tlen moamatlalihtok (®, TM noso sekinoh kihtosneki iwikal) motlamantinih wan kanpa teposochtekayo iamaiswah. tinamakah.

2. Xitekiwi ni tlasenkahketl itechpowilis noso wehweyi tekikaltinih ininixnexkayo ma kiampa momalwis ixnexkayo wan seki tlamantli yeyehsitsi tlen nesi ipan teposochtekayo iamaiswah

Tlah tikaltapos kanpa web noso se web iswatl weli momalwis ika tlasenkahketl itechpowilis tlen kichihtok noso ika tekikaltinih ininixnexkayo. Mekatsa kema momalwia ika tlasenkahketl itechpowilis nimaj kisaj, ni tekikaltinih itechpowilis moneki moamatlaliseh. Iwikal nochi tlen motlalia ipan tepostinih, keh tlahkwilolli, ixkopinkah, tlamawisoli, tlatsonali, wan sekih ixkopintli, nohkia momalwis ika tlasenkahketl itechpowilis. Xiyolmelawa nochi tlen kitekiwiah ma nochi tlen itstok kanpa web noso kanpa masewalmatlal momalwia ika tlasenkahketl itechpowilis panpa nesi ahkiya kichihtok yani tlasenkahketl itechpowilis (ni machiyo noso "Copyright" tlahtolli noso seyok tlen iwikal kihtosneki) ipan sesen iswatl. Xitlalili tlasenkahketl itechpowilis ahkiya kichihtok tlat sintla ipan sesen ixkopinkah noso xichiwah owih ma kiixkopinkah ika se yehyekchiwalistli. Amo xitlali ipan internet ixkopinkah tlen nelkwali nesi.

3. Amo xitlali ipan Internet yolmelawalistli tlen moneki ma momalwis panpa axweli moihtos, panpa eli tlen monehnemilis noso panpa miak ipatih

Ika ni tepostinih keh Internet namah weli nimah timatis se tlamantli san panpa tipachos se tlahkwilolli. Maskeh onka tlanawatili tlen kimalwia nochi kamanalli tlen monamakah keh ni, kenihkatsa mochiwa, tlakiya ohtli motokilia wan nohkia tlakiya ixmatili tlen kisenkawa, moneki motekiwis tlanawatili ma momokwitlawis ni yolmelawalistli. Keh ni, amo moixnextis kenihkatsa mochiwa se tlamantli achi kwali tikihtos kanke mochiwa. Tlah moneki, ximotemachti iwaya motekitianihi tlen kipia tlanankilistli kinwehkawaseh motomintlanilistli ipan tepostinih, nohkia tlen kichiwah kanpa web noso tlen kihakokwia yolmelawalistli, tlawel kipia neltokilistli tlen yolmelwalistli motekiwiah ipan motomintlanilistli wan ipan moaltepetsitsi. Xitlachili tlah moneki neltokayotli senkawalistli kema mokalaki tekitis se ahkaya wan tlah mowasanis senkawalistli iniwaya mowampoyouah pochtekameh.

4. Ximoyawa yolyamanilistli ika motekitl panpa san setsi wan elih tlamantinih wan kwaltiloli tlen nelnelia

Xipalewih motlakowanih wan tlen mitstokiliah ipan masewalmatlatl ma kinkwamachilikah tlamantinih wan kwaltiloli tlen tinamakah miak ipatih xitekiwih teposmahpil tlatempowalistli. Ni teposmahpil tlatempowalistli weli kiyamanis ininyoloj masewalmeh wan kiampa axowih mopatlash yolmelawalistli tlen motekitl wan kwaltiloli, wan kenihkatsa motlatskia tlaixmatili tlen toweytatawah ika toaltepetsitsi. Nochi ni weli moweychiwas tlah titekiwiah nohkia tlen tlanamikilis iaxka, keh machiyo tlen kwali kisenkawa, weli kipalewis ma momoyawas wan kiixmatikah machiyo wan nohkia iyolyamanilis ika masewalmeh tlen ni tlamantinih tlen nelnelia wan sekinoh itlachiyalis tlamantinih wan kwaltiloli tlen monamakah ika momachiyo. Ipan yani, nohkia weli motekiwis tlatlintla piltlahkwilolli ma moixnextis yolmelawalistli noso kanke mopantis tlen axweli kisa nompona ika tlanamikilis iaxka.

5. Moneki nochipa titlachihtos wan titekitis ma momokwitlawis nochi tlen internet motlejkowa

Moneki ta titlachihtos kenihkatsa kanpa web ma ihkinoh timatis kenihkatsa motekiwiiah wan titsakwiltis tlah amo kwali ipan tepostinih wan nohkia ika PI ya ni kihtosneki tlanamikilis iaxka. Tlah ta tipia motechpowilis ika PI, xikinmatili, keh ni, kwali xitekiwih momachiyo wan tlasenkahketl itechpowilis, moneki achi tiixnextis wan achi miak. Xitlachili melawak mo PI, nochi tlamantinih tlen momokwitlawiah ika machiyo, tlasenkahketl itechpowilis noso tekikaltinih ininixnexkayo tlen moixnextiah kanpa web noso kanpa momasewalmatlatl, wan xitekiwi tlanawatili tlah moneki. Tikitas tisenkawas mo PI techpowilistli weli miak ipatis. Kemantikah, achi kwali elih tikixtis nimantsi tlamantinih tlen ixpanowah kanpa web. Sekinoh kanpa web kinpia itlapankah tlen kisenkawa ni PI techpowilistli, nika weli moixpantis tlatelhwili, tlatetsopali, wan nohkia motlahtlanis ma kikixtikah tlen axkwali.

6. Xitekiwi tlamantinih tlen onka ika pymes wan ika tlen kaltapowah tekikalmeh kanpa masewaltepetsitsih wan chinankomeh

Ma moamatlalis wan mochiwas ma mopatiitas PI techpowilistli weli miak ipatis. Maskeh ni Weyitekikalko División tlen OMPI tlen Conocimientos Tradicionales yani tlen toweytatawah techkawahtokeh axweli temakas palewilistli ika tlanawatili, kena weli kikwepas pymes wan kaltapowanih tekikalmeh tlen masewaltepetsitsih wan chinankomeh ma kinpalewukah ika tlanawatili wan axmotlailnama noso ika palewili tlen onkas. Weli moyolmelawas ika División de Conocimientos Tradicionales ipan grtkf@wipo.int.

Ma achi timoyolmelawas itlachiyalis PI tekpantli weli kipalewis pymes wan kaltapowanih tekikalmeh tlen chinankomeh wan masewalaltepetsitsih, xitlahtlani kanpa ni:

Ximalwi wan xiolini monehnemilis; Mitsyekana amo owih ika ni tlanamikilis iaxka ika masewalaltepetsitsih wan chinankomeh

Ni tlanamikilis iaxka wan ilhwitsitsih tlen san yehyetsi kichiwa wan tlen nehnemilistli:Yekanili axowih

Ni tlanamikilis iaxka wan amantekayotl tlen ipanimah mochiwa. Kototsi tlahtolli 5

Ipan machiyo itstok neltokilistli: machiyo moyekana ika pisiltsi wan axweyi tekikalmeh

Itlachiyalis elih tlen tikitas: Tekikaltinih ininixnexkayo ika pisiltsi wan axweyi tekikalmeh

Yehyetsi ixnextili: Tlasenkahketl itechpowilis itsinpewalis wan tlen motlatskia ika momanawiseh pisiltsi wan axweyi tekikalmeh (san inglés wan francés tlahtolli)

Moyankwilis mostla; ni patentes amatl tlen nelkwali mochihtok moyekana pisiltsi wan Ximalwi wan xiolini monehnemilis: Mitsyekana amo owih ika ni tlanamikilis iaxka ika masewalaltepetsitsih wan chinankomeh





World Intellectual Property Organization
34, chemin des Colombettes
P.O. Box 18
CH-1211 Geneva 20
Switzerland

Tel: +41 22 338 91 11
Fax: +41 22 733 54 28

To contact WIPO's External Offices
visit www.wipo.int/about-wipo/en/offices

© WIPO, 2022



Attribution 4.0 International (CC BY 4.0)

The CC license does not apply to non-WIPO content in this publication.

Cover: unsplash.com / © Oriento,
© Alice Pasqual, © Paul Zoetemeijer,
© Federico Beccari;
Getty Images / © Frans Lemmens

DOI: 10.34667/tind.46515